

Grandioso celebracion di dia di piscado & mercado di Santa Sosa diadomingo awor:

Santa Rosa y Hadicurari den full preparacion pa un otro celebracion unico na waf di playa



ORANJESTAD - manera tur hende por corda ainda, e celebracion di dia di piscado aña pasa na waf chikito a sur-pasa tur expectativa pa cual motibo Minister Oduber a dicidi pa e ana aki atrobe duna su aprobacion pa e por wordo organiza na waf di playa, conoci como e waf di schoenerhaven na unda cu den pasado por a cumpra tur sorto di fruta y berdura fresco, e actividad lo inicia for di 10or di mainta cu e popular mercado di santa rosa cu lo trece un ambiente diferente caminda cu nos hendenan lo tin e oportunidad di bini hunto y disfruta di un dia di famia den un ambiente crioyo y asina sostene nos productornan local. durante e mercado lo tin diferente productornan fresco saca for di e suelo di aruba como tambe diferente carni fresco, otro productornan herbal sin laga afo e diferente standsnan di cuminda crioyo y un bar bon surti cu tur sorto di bebida natural y otro bebidanan pa kita sed.

manera tur aña di e celebracion di dia di piscado ta combina cu un tremendo torneo di pesca. salida pa tur participante ta for di cualkier otro pier caminda cu e participante su boto ta mara. hora di salida ta 4'or y mey di mainta y pa 4'or di atardi tur boto mester ta paden na wak chikito pa asina por hasi e pesahe. miembronan di centro di pesca hadicurari y tambe di santa rosa lo ta presente pa asina controla tur pisca cu dreña



pa hasi conteo y midimento. na final di e torneo lo anuncia e ganadonan y hasi entrega di e respectivo premionan. pa loke ta trata mercado Santa Rosa, esaki ta cuminsa for di 10'or di mainta te cu 5'or di atardi. durante e mercado, nos productornan lo bendenan productonan na e bishitanenan riba e dia aki y nos ta spera cu e hotelnan, companianan di tour, taxistanan por hasi huzo di e oportunidad aki pa invita e bishitanenan internacional pa pasa un rato ameno hunto cu nos hendenan den un celebracion crioyo specialmente pa nos piscadoman di aruba. manera nos a menciona anteriormente, lo bay tin productonan fresco manera entre otro fruta y berdura, lo bai tin tambe diferente mata di fruta y artesanian. pa esnan cu ta gusta, lo bay tin un variedad di cuminda crioyo, platonan di lama bon prepara na gusto di un y tur. Animacion musical lo ta henter dia di diferente grupo



popular pa tur presente por baila y gosa engrandece e celebracion di dia di piscado. Lo bay tin grupo di baile cu tambe lo hasi presentacion di bailenan folklor cu dedi-

cacion special na nos piscadonan. premionan lo wordo entrega na e ganadonan di e torneo di pesca. tanto na e ehemplaman di mas grandi y tambe na mayor kilahe di

e torneo. tene bon cuenta cu e caminda dilanti di cafe paddock lo ta sera te cu e pier di waf chikito riba e dia aki pa asina e activida por tuma lugar. □

